

## Жиналыстар, митингілер, шерулер, пикеттер және демонстрациялар өткізуді қосымша реттеу туралы қағидаларды бекіту туралы

### ***Күшін жойған***

Қостанай облысы Жангелдин ауданы мәслихатының 2016 жылғы 14 сәуірдегі № 21 шешімі. Қостанай облысының Әділет департаментінде 2016 жылғы 6 мамырда № 6339 болып тіркелді. Күші жойылды - Қостанай облысы Жангелдин ауданы мәслихатының 2019 жылғы 20 қарашадағы № 264 шешімімен

**Ескеरту.** Күші жойылды - Қостанай облысы Жангелдин ауданы мәслихатының 20.11.2019 № 264 шешімімен (алғашқы ресми жарияланған күнінен кейін құнтізбелік он күн өткен соң қолданысқа енгізіледі).

"Қазақстан Республикасында бейбіт жиналыстар, митингілер, шерулер, пикеттер және демонстрациялар үйымдастыру мен өткізу тәртібі туралы" 1995 жылғы 17 наурыздағы Қазақстан Республикасы Заңының 10-бабына, "Қазақстан Республикасындағы жергілікті мемлекеттік басқару және өзін-өзі басқару туралы" 2001 жылғы 23 қаңтардағы Қазақстан Республикасы Заңының 6-бабына сәйкес, Жангелдин аудандық мәслихаты **ШЕШІМ ҚАБЫЛДАДЫ:**

1. Жиналыстар, митингілер, шерулер, пикеттер және демонстрациялар өткізу тәртібін қосымша реттеу мақсатында қоса беріліп отырған жиналыстар, митингілер, шерулер, пикеттер және демонстрациялар өткізу қосымша реттеу туралы қағидалары бекітілсін.

2. Мәслихаттың 2015 жылғы 26 ақпандағы № 208 "Жангелдин ауданы аумағында бейбіт жиналыстар, митингілер, шерулер, пикеттер және демонстрациялар өткізу тәртібін қосымша реттеу туралы" шешімінің (Нормативтік құқықтық актілерді мемлекеттік тіркеу тізілімінде № 5444 тіркелген, 2015 жылғы 26-31 наурызда "Біздің Торғай" газетінде жарияланған) күші жойылды деп танылсын.

3. Осы шешім алғашқы ресми жарияланған күнінен кейін құнтізбелік он күн өткен соң қолданысқа енгізіледі.

*Сессия төрайымы*

*Жангелдин аудандық*

*мәслихаттың хатшысы*

*Г. Абдигапарова*

*С. Нургазин*

**Жангелдин ауданының әкімі**

**А. Кенжегарин**

## **Жиналыстар, митингілер, шерулер, пикеттер және демонстрациялар өткізуді қосымша реттеу туралы қағидалары**

1. Жиналыс, митинг, шеру, пикет немесе демонстрация өткізу туралы ауданың жергілікті атқарушы органына (бұдан әрі – Жангелдин ауданының әкімдігі) өтініш беріледі.

2. Жиналыс, митинг, шеру, пикет немесе демонстрация өткізу туралы өтініштерді еңбек үжымдарының, қоғамдық бірлестіктердің немесе Қазақстан Республикасы азаматтарының жекелеген топтарының он сегіз жасқа толған уәкілдері береді.

3. Жиналыс, митинг, шеру, пикет немесе демонстрация өткізу туралы өтініш оны өткізудің белгіленген датасынан кемінде он күн бұрын жазбаша нысанда беріледі. Өтініште шараны өткізу мақсаты, нысаны, өткізілетін жері немесе қозғалыс маршруттары, оның басталатын және аяқталатын уақыты, қатысуышылдардың ықтимал саны, уәкілдердің (ұйымдастырушылдардың) және қоғамдық тәртіптің сақталуына жауапты адамдардың тегі, аты, әкесінің аты, олардың тұратын және жұмыс істейтін (окитын) жері, өтініштің берілген датасы көрсетіледі. Өтініштің берілген мерзімі оның Жангелдин ауданының әкімдігінде тіркелген күнінен бастап есептеледі.

4. Жангелдин ауданының әкімдігі өтінішті қарайды және өтініште көрсетілген шараның өткізілетін уақытынан кемінде бес күн бұрын уәкілдерге (ұйымдастырушыларға) қабылданған шешім туралы хабарлайды.

5. Жиналыстар, митингілер, шерулер, пикеттер және демонстрациялар өткізу туралы өтініш беру кезінде осы Қағидалардың З-тармағының талаптары сақталмаған жағдайда Жангелдин ауданының әкімдігі жіберілген бұзушылықтарды жаңа өтініш беру жолымен жоюды ұсына отырып, түсіндіру мазмұндындағы ресми жауап қайтарады. Жаңа өтінішті қарау мерзімі оның тіркелген күнінен бастап есептеледі.

6. Жангелдин ауданының әкімдігі басқа азаматтардың құқықтары мен бостандықтарын, қоғамдық қауіпсіздікті, сондай-ақ көліктің, инфрақұрылым объектілерінің қалыпты жұмыс істеуін, жасыл желектер мен шағын сәулет нысандарының сақталуын қамтамасыз ету мақсатында, қажет болған жағдайда, өтініш жасағандарға шараны өткізуден өзге уақыты мен жерін ұсынады.

7. Жиналыстар және митингілер өткізу орындары осы Қағидалардың 1-қосымшасына сәйкес белгіленсін.

8. Шерулер және демонстрациялар өткізу маршруттары осы Қағидалардың 2-қосымшасына сәйкес белгіленсін.

9. Жиналыстар, митингілер, шерулер және демонстрациялар, сондай-ақ оларға қатысуышылдардың сөз сөйлеуі өтініште көрсетілген мақсатқа сәйкес,

белгіленген мерзімде және келісілген жерде өткізіледі.

10. Жиналыстарды, митингілерде, шерулерді, пикеттерді, демонстрацияларды өткізу кезінде уәкілдер (ұйымдастырушылар), сондай-ақ басқа да қатысушылар қоғамдық тәртіпті сақтау қажет.

11. Шараларды ұйымдастырушылар мен оларға қатысушылардың:

1) көліктің және жаяу жүргіншілердің қозғалысына бөгет жасауына;  
2) елді мекенниң инфрақұрылым объектілерінің ұздіксіз жұмыс істеуіне  
ке д е р г і к е л т і р у і н е ;

3) Жангелдин ауданының әкімдігінің рұқсатынсыз киіз үйлер, шатырлар, өзге де уақытша құрылыштар тұрғызына;

4) шараны өткізу кезінде қоғамдық тәртіпті қамтамасыз етуші мемлекеттік органдар өкілдерінің қызметіне кез келген нысанда араласуына;

5) жасыл желектерге, шағын сәulet нысандарына залал келтіруіне;  
6) өзімен бірге сұық қаруды, атыс және өзге де қаруды, сондай-ақ адамдардың өмірі мен денсаулығына қарсы, азаматтарға және заңды тұлғалардың меншігіне материалдық залал келтіру үшін пайдаланылуы мүмкін арнайы жасалған немесе бейімделген заттарды алып жүруіне;

7) алкогольдік немесе есірткілік масаң құйде қатысуға жол берілмейді.

12. Жиналыс, митинг, шеру, пикет немесе демонстрация өткізу орындарында:

1) алкогольдік ішімдіктер ішуге, есірткі заттарды, психотропты заттарды, соған ұқсас заттарды, прекурсорларды пайдалануға;

2) мазмұны қоғамдық тәртіпті бұзуға, қылмыс жасауға бағытталған, сондай-ақ қорлайтын транспаранттарды, ұрандарды, басқа да материалдарды (визуалды, аудио/ видео), сондай-ақ көпшілік сөз сөйлеулерді қолдануға жол берілмейді .

13. Пикеттер өтініште көрсетілген мақсатқа сәйкес, белгіленген мерзімде және келісілген жерде өткізіледі.

14. Қоғамдық тәртіпті және пикет қатысушыларының қауіпсіздігін қамтамасыз ету мақсатында :

1) түрлі дара пикеттердің қатысушыларына анық көрініп тұрып орналасу қ а ж е т ;

2) Жангелдин ауданының әкімдігі бір күні және бір уақытта, бір объектіде үштен аспайтын дара пикет өткізуге рұқсат берे алады;

3) пикет өткізу кезінде пикет өткізілетін объектінің алдында орналасуға, көрнекі үгіт құралдарын пайдалануға, пикеттің тақырыбы бойынша қысқа ұрандар, құлақтандырулар айқайлауға рұқсат етіледі.

15. Пикет жалғастырудың өзге нысаны (митинг, жиналыс, шеру, демонстрация) айқындалған жағдайда белгіленген тәртіппен Жангелдин ауданының әкімдігінен рұқсат алу қажет.

16. Жиналыстар, митингілер, шерулер, пикеттер және демонстрациялар егер:

1) өтініш берілмеген болса;

2) тыйым салу туралы шешім шығарылса;

3) оларды өткізу кезінде "Қазақстан Республикасында бейбіт жиналыстар, митингілер, шерулер, пикеттер және демонстрациялар үйымдастыру мен өткізу тәртібі туралы" 1995 жылғы 17 наурыздағы Қазақстан Республикасы Заңының 7-бабында көзделген тәртіп бұзылған жағдайда, сондай-ақ азаматтардың өмірі мен денсаулығына қауіп төнетін, қоғамдық тәртіп бұзылатын жағдайда Жангелдин ауданының әкімдігі өкілінің талабы бойынша тоқтатылады.

17. Жангелдин ауданының әкімдігі өкілінің занды талабын орындаудан бас тартылған жағдайда оның нұсқауы бойынша ішкі істер органдары жиналысты, митингіні, шеруді, пикет қоюды және демонстрацияны тоқтату жөнінде қажетті шаралар

к о л д а н а д ы .

18. Жиналыстарды, митингілерді, шерулерді, пикеттерді және демонстрацияларды үйымдастыру мен өткізудің белгіленген тәртібін бұзған адамдар Қазақстан Республикасының зандарына сәйкес жауап береді.

19. Жиналыстарды, митингілерді, шерулерді, пикеттерді және демонстрацияларды өткізу кезінде оларға қатысуышылардың азаматтарға, қоғамдық бірлестіктерге, мемлекетке келтірген материалдық залалы үшін занда белгіленген тәртіп бойынша өтем жасалуға тиіс.

20. Жиналыс, митинг, шеру, пикет және демонстрация өткізу кезінде, оның ішінде қоғамдық тәртіпті сақтау, үй-жайлар беру, санитарлық тазарту, жарық беру және техникалық қамсыздандыру жөніндегі барлық қосымша шығындарды оларды үйымдастырушылар өтейді.

Жиналыстар, митингілер,  
шерулер, пикеттер және  
демонстрациялар өткізуді  
қосымша реттеу туралы  
қағидаларына 1-қосымша

## Жиналыстар және митингілер өткізу орындары

№	p / c	Жиналыстар	және	митингілер	өткізу	орындары
1		Ш а қ ш а қ	Ж е н і б е қ		о р т а л ы қ	а л а ң ы
2		" Т о п ж а рғ а н "				с т а д и о н ы

Жиналыстар, митингілер,  
шерулер, пикеттер және  
демонстрациялар өткізуді  
қосымша реттеу туралы  
қағидаларына 2-қосымша

## **Шерулер және демонстрациялар өткізу маршруттары**

<b>№ р/ с</b>	<b>Шерулер және демонстрациялар өткізу маршруттары</b>
1	"Топжарған" стадионы – Шақшақ Жәнібек орталық алаңы ("Топжарған" стадионы – Мұханбетжан Дүзенов көшесі – Қасымхан Алтынсары көшесі – Қайнекей көшесі – Нұрхан ақын көшесі – Шақшақ Жәнібек орталық алаңы )
2	"Топжарған" стадионы – Шақшақ Жәнібек орталық алаңы ("Топжарған" стадионы – Мұханбетжан Дүзенов көшесі – Хакімбек Токин көшесі – Қайнекей көшесі – Нұрхан ақын көшесі – Шақшақ Жәнібек орталық алаңы )

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК